



Bosnia and Herzegovina
AGENCY FOR STATISTICS OF
BOSNIA AND HERZEGOVINA

Broj: JN1-16-4-11-15/26
Sarajevo, 08.04.2026. godine

Na osnovu člana 64. člana 70. člana 88. i člana 89. Zakona o javnim nabavkama BiH ("Službeni glasnik BiH", br. 39/14, 59/22 i 50/24) i Preporuke komisije za javne nabavke broj JN1-16-4-11-14/26 od 08.04.2026. godine, direktorica Agencije za statistiku BiH donosi:

ODLUKU
o izboru najpovoljnijeg ponuđača

Ugovorni organ - Agencija za statistiku BiH- prihvata Preporuku Komisije broj JN1-16-4-11-14/26 od 08.04.2026. godine za izbor najpovoljnije ponude za nabavku usluga- Usluge zračnog prevoza (nabavka avio karata za Evropu, Aziju i SAD) JRJN 60400000-2, 635100000-7 za potrebe Agencije za statistiku BiH, koja se provodi u skladu sa članom 88. i članom 89. Zakona o javnim nabavkama BiH ("Službeni glasnik BiH", broj 39/14, 59/22 i 50/24), a po Odluci za nabavku predmetne nabavke broj JN1-16-4-11-1/26 od 04.03.2026. godine, te je kao najuspješniji ponuđač izabrana firma „**Ventura Travel Agency**“ d.o.o. **Travnik** sa ponuđenom cijenom nakon e-aukcije za agencijsku proviziju za uslugu rezervacije avio karata u iznosu od 0,01 KM bez PDV-a (0,017 KM sa PDV-om), ponuda broj 20260317-1-VTA od 19.03.2026. godine.

Obrazloženje

Agencija za statistiku BiH je 16.03.2026. godine objavila Obavještenje o nabavci na portalu Agencije za javne nabavke broj 11-7-2-10-3-7/26. Javna nabavka je provedena putem konkurentskog zahtjeva za dostavu ponuda.

Komisija za javnu nabavku imenovana je Rješenjem broj: JN1-16-4-11-2/26 od 04.03.2026. godine.

Komisija za javnu nabavku dostavila je dana 08.04.2026. godine Zapisnik o ocjeni i analizi pristiglih ponuda broj JN1-16-4-11-12/26 od 01.04.2026. godine i broj JN1-16-4-11-13/26 od 08.04.2026. godine, kao i Preporuku o izboru najpovoljnijeg ponuđača broj JN1-16-4-11-14/26 od 08.04.2026. godine u postupku javne nabavke usluga- Usluge zračnog prevoza (nabavka avio karata za Evropu, Aziju i SAD).

U postupku po Zapisniku o ocjeni i analizi pristiglih ponuda je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu pristiglih ponuda, i konstatovala da su ponude za predmetnu nabavku poslala ukupno dva (2) ponuđača i to:

1. 51-01-0079-12 „**Ventura Travel Agency**“ d.o.o. **Travnik**, sa ponuđenom cijenom za agencijsku proviziju u iznosu od 58,50 KM sa PDV-om (50,00 KM bez PDV-a) na period od 2 godine;
2. 65-01-0339-11 „**Centrotrans**“ d.d. **Sarajevo** sa ponuđenom cijenom za agencijsku proviziju u iznosu od 58,50 KM sa PDV-om (50,00 KM bez PDV-a) na period od 2 godine

Komisija je konstatovala ispravnost ponuda za predmetnu nabavku u smislu ispunjenja formalno tehničkih uslova (koverta ispravno zatvorena i opečaćena, sve ponude pravilno uvezane čvrstim uvezom, dostavljene u traženom roku na adresu ugovornog organa i dr.). Svi ponuđači, za predmetnu nabavku, su dostavili ponude u skladu sa zahtjevima iz TD.

Komisija nastavlja sa radom nakon završetka e-Aukcije koja je zakazana za 07.04.2026. godine u 10:00 sati.

Dana 07.04.2026. godine sa početkom u 10:00 sati proveden je postupak e-Aukcije u skladu sa Pravilnikom Vijeća ministar BiH o uslovima i načinu korištenja e-Aukcije („Sl. glasnik BiH“ br. 66/16).

Prema izvještaju o toku i završetku E-aukcije koji je automatski generisan iz sistema elektronskih javnih nabavki dana 07.04.2026.godine, e-aukcija je završena 07.04.2026. godine u 11:28 sati i u toku trajanja iste ponuđači „Ventura Travel Agency“ d.o.o. Travnik i „Centrotrans“ d.d. Sarajevo su vršili snižavanje početne cijene ponuda.

Komisija je 08.04.2026.godine. u 09:00 sati nastavila svoj rad te je zaključila da će nakon provedene e-Aukcije jedinične cijene svih traženih stavki u ponudi ponuđača „Ventura Travel Agency“ d.o.o. Travnik biti procentualno umanjene za iznos od 99,98%, a ponuđača „Centrotrans“ d.d. Sarajevo će biti procentualno umanjene za iznos od 99,8%, te je donijela konačnu rang listu ponuđača kako slijedi:

- 1. „Ventura Travel Agency“ d.o.o. Travnik sa konačnom cijenom od 0,01 KM bez PDV-a (0,0117 KM sa PDV-om) za agencijsku proviziju.**
- 2. „Centrotrans“ d.d. Sarajevo sa konačnom cijenom od 0,10 KM bez PDV-a (0,117 KM sa PDV-om) za agencijsku proviziju.**

Nakon provedene analize ponuda u skladu sa članom 65. Zakona o javnim nabavkama BiH („Službeni glasnik BiH“, br. 39/14, 59/22 i 50/24), postavljenim kriterijima u tenderskoj dokumentaciji (TD) i nakon provedene e-Aukcije kao najpovoljniji ponuđač sa kojim ugovorni organ namjerava zaključiti ugovor o predmetnoj nabavci je **„Ventura Travel Agency“ d.o.o. Travnik**, a na osnovu ponude broj: 20260317-1-VTA od 19.03.2026. godine sa ponuđenom početnom cijenom u iznosu od 50,00 KM bez PDV-a (58,50 KM sa PDV-om) za traženu uslugu na period od 2 godine, koja je nakon provedene e-Aukcije smanjena za 99,98% te u konačnici iznosi 0,01 KM bez PDV-a (0,0117 KM sa PDV-om).

S obzirom da je ponuda ponuđača „Ventura Travel Agency“ d.o.o. Travnik ocjenjena kao prihvatljiva i sa najnižom cijenom, Komisija za nabavku predlaže prihvatanje iste i dala je preporuku ugovornom organu da se u skladu sa članom 70. Zakona o javnim nabavkama BiH („Službeni glasnik BiH“, br. 39/14, 59/22 i 50/24) donese odluka o izboru najpovoljnijeg ponuđača.

Navedeni ponuđač ocijenjen je kao najuspješniji i najpovoljniji za Ugovorni organ, jer je ponudio najnižu cijenu što je u skladu sa članom 64. i članom 65. ZJN BiH („Službeni glasnik BiH“, broj 39/14, 59/22 i 50/24), nakon provedene e-Aukcije.


U postupku ocjene provedenog postupka, rukovodilac ugovornog organa nije našao razloge nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i Tenderskom dokumentacijom.

Ugovorni organ će sa izabranim ponuđačem (po pravosnažnosti ove Odluke) zaključiti Okvirni sporazum u kojem će se precizirati uslovi i vrijeme realizacije ponude izabranog ponuđača

Izabrani ponuđač je prije potpisivanja predmetnog Okvirnog sporazuma dužan dostaviti tražene dokaze iz Tenderske dokumentacije (date u izjavi) u skladu sa članom 45. Zakona o javnim nabavkama BiH u roku od pet (5) dana od dana prijema Odluke i Obavještenja o izboru najpovoljnijeg ponuđača, jer iste nije dostavio u sklopu ponude broj 20260317-1-VTA od 19.03.2026. godine.

Pouka o pravnom lijeku: Protiv ove Odluke o izboru najpovoljnijeg ponuđača može se izjaviti žalba u skladu sa članom 99. i 101. Zakona o javnim nabavkama BiH. Žalba se podnosi ugovornom organu. Agencija za statistiku BiH Zelenih beretki 26, 71 000 Sarajevo.



Direktorica
Vesna Čužić

- Dostaviti:** - Centrotrans dd Sarajevo
- „Ventura Travel Agency“ d.o.o. Travnik
- Web stranica
- a/a

- Prilog**
- Zapisnik o pregledu i ocjeni ponuda broj JN1-16-4-11-12/26 od 01.04.2026. godine i broj JN1-16-4-11-13/26 od 08.04.2026. godine